



**ТӨРИЙН ӨМЧИЙН БОДЛОГО,
ЗОХИЦУУЛАЛТЫН ГАЗРЫН
ТОГТООЛ**

2023 оны 02 сарын 09 өдөр

Дугаар 37

Улаанбаатар хот

Шалгалтын мөрөөр авах арга хэмжээний тухай

Төрийн болон орон нутгийн өмчийн тухай хуулийн 11 дүгээр зүйлийн 1, 2, 66 дугаар зүйлийн 3 дахь хэсгийг тус тус үндэслэн “Баянчандмань” АЗЗА төрийн өмчит хувьцаат компанийн 2021 оны санхүү, эдийн засгийн үйл ажиллагаанд хийсэн баримтын шалгалтаар нийт 325,504.9 (гурван зуун хорин таван сая таван зуун дөрвөн мянга есөн зуу) сая төгрөгийн зөрчил, дутагдал илэрснийг тэмдэглээд ТОГТООХ нь:

1.Төрийн өмчийн бодлого, зохицуулалтын газрын 2021 оны А-1/66 дугаар албан даалгаврын биелэлт 82.3 хувь буюу “Тодорхой үр дүнд хүрсэн” байх тул дотоод хяналтыг сайжруулж ажиллахыг “Баянчандмань АЗЗА” ТӨХК-ийн гүйцэтгэх захирал (А.Мөнхгэрэл)-д үүрэг болгосугай.

2.“Баянчандмань АЗЗА” төрийн өмчит хувьцаат компанийн санхүү, эдийн засгийн үйл ажиллагаанд хийсэн шалгалтаар илэрсэн зөрчил, дутагдлыг арилгах арга хэмжээний жагсаалтыг хавсралтаар баталсугай.

3.“Баянчандмань АЗЗА” төрийн өмчит хувьцаат компанийн Төлөөлөн удирдах зөвлөлд дараах арга хэмжээг авч хэрэгжүүлэхийг үүрэг болгосугай.

3.1.Компанийн батлагдсан эдийн засгийн үндсэн үзүүлэлт, зорилтот түвшин, хөрөнгө оруулалтын төлөвлөгөөг үндэслэн тайлант оны худалдан авах ажиллагааны төлөвлөгөөг батлах, хэрэгжилтэд нь хяналт тавьж ажиллах;

3.2.“Шалгалтын мөрөөр авах арга хэмжээний тухай” тогтоолын биелэлтэд хяналт тавьж ажиллах.

4.“Баянчандмань АЗЗА” төрийн өмчит хувьцаат компанийн гүйцэтгэх захирал (А.Мөнхгэрэлд)-д санхүүгийн сахилга батыг хэвшүүлж, дотоод хяналтыг сайжруулан дор дурдсан арга хэмжээг авч хэрэгжүүлэхийг даалгасугай.

4.1.Төрийн өмчийн бодлого, зохицуулалтын газраас баталсан эдийн засгийн үндсэн үзүүлэлт, зорилтот түвшин, хөрөнгө оруулалтын төлөвлөгөөг үзүүлэлт бүрээр ханган биелүүлэх, хөрөнгө оруулалтын төлөвлөгөөнд тусгагдаагүй үндсэн хөрөнгө бэлтгэхгүй байх;

4.2.Төрийн өмчийн түрээсийн орлогын 40 хувь болох 8,792.0 (найман сая долоон зуун ерэн хоёр мянга) мянган төгрөгийг улсын төсөвт 2023 оны 1 дүгээр улиралд багтаан улсын төсөвт төвлөрүүлэх;

4.3.“Онцгой нөхцөл бүхий хөдөлмөрийн гэрээ”-ээр олгосон эрхийн хүрээнд үйл ажиллагаагаа зохион байгуулах, эдийн засгийн үндсэн үзүүлэлт, зорилтот түвшинд тусгагдсан зардлаас бусад зардлыг санхүүжүүлэхгүй байх;

4.4.“Зам, тээврийн хөгжлийн төв” төрийн өмчит үйлдвэрийн газраас хүлээлгэн өгсөн үнэ, үнэлгээ тодорхойгүй, цас цэвэрлэгээний болон нөхөөсний зориулалттай, 2 ширхэг тусгай зориулалт бүхий тээврийн хэрэгслийг санхүүгийн гайланд үнэлж бүртгэх талаар Зам, тээврийн хөгжлийн яам, Төрийн өмчийн асуудал эрхэлсэн төрийн захиргааны байгууллагад хүсэлт тавьж шийдвэрлүүлэх;

4.5.Худалдан авах ажиллагаанд Төрийн болон орон нутгийн өмчийн хөрөнгөөр бараа ажил, үйлчилгээ худалдан авах тухай хууль, Сангийн сайдын 2021 оны 102 дугаар тушаалаар батлагдсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааг төлөвлөх, тайлагнах журам”-ыг мөрдөж ажиллах, хяналт тавьж ажиллах үүргээ хангалтгүй биелүүлсэн албан тушаалтан нарт хууль тогтоомжийн дагуу хариуцлагын арга хэмжээ авах.

5.Төрийн өмчийг эзэмшүүлэх гэрээний хэрэгжилтэд төрийн өмчийн бүртгэл, ашиглалтын хэлтэс (Д.Нарангэрэл)-т, Онцгой нөхцөл бүхий хөдөлмөрийн гэрээний биелэлтэд төрийн өмчийн удирдлага, зохицуулалтын хэлтэс (Ц.Баяр-Эрдэнэ)-т хяналт тавьж ажиллахыг тус тус даалгасугай

6.Тогтоолын биелэлтийг 2023 оны 2 дугаар улиралд, өссөн дүнгээр 4 дүгээр улиралд багтаан Төрийн өмчийн бодлого, зохицуулалтын газарт ирүүлэх.


7.Энэхүү тогтоолын биелэлтэд хяналт тавьж ажиллахыг Төрийн өмчийн хяналт, шалгалтын хэлтэс (Ц.Түвшинзаяа)-т даалгасугай.

ДАРГА


Б.ЦЭНГЭЛ

ТӨРИЙН ӨМЧИЙН ХЯНАЛТ ШАЛГАЛТЫН
ХЭЛТСИЙН ДАРГА

Ц.ТҮВШИНЗАЯА



Төрийн өмчийн бодлого, зохицуулалтын газрын
2023 оны 02 дугаар сарын 02-ны өдрийн
37 дугаар тогтоолын хавсралт



“Баянчандмань АЗЗА” төрийн өмчит хувьцаат компанид хийсэн
шалгалтаар илэрсэн зөрчил, дутагдал, түүнийг
арилгах арга хэмжээний жагсаалт

№	Зөрчил, дутагдлын утга	Хариуцах эзэн	Дүн (мян.төгрөг)	Зөрчил дутагдлыг арилгах талаар авч хэрэгжүүлэх арга хэмжээ
1	Худалдан авах ажиллагааны төлөвлөгөөнд тусгаж хэрэгжүүлээгүй бараа, ажил үйлчилгээ	Захирал Б.Мөнхгэрэл Ерөнхий ня-бо З.Золжаргал	154,623.90	Сангийн сайдын тушаалаар батлагдсан Төрийн болон орон нутгийн өмчийн хөрөнгөөр бараа ажил үйлчилгээ худалдан авах ажиллагааг төлөвлөх, тайлагнах журмыг мөрдөж ажиллах
2	Хууль тогтоомжийн дагуу төсвийн асуудал эрхэлсэн төрийн захиргааны төв байгууллагад шууд гэрээ байгуулсан ХАА-ны талаар тайлбар, гэрээ хүргүүлж ажиллагаагүй	Захирал Б.Мөнхгэрэл Ерөнхий ня-бо З.Золжаргал	155,500.00	Төрийн болон орон нутгийн өмчийн хөрөнгөөр бараа ажил үйлчилгээ худалдан авах тухай хуулийн заалтыг мөрлөж ажиллах
3	Төсөвт төвлөрүүлж ажиллаагүй түрээсийн төлбөр	Захирал Б.Мөнхгэрэл Ерөнхий ня-бо З.Золжаргал	8,792.0	Монгол Улсын "Төсвийн тухай хууль", ТӨБЗГ-ын 2020 оны 02 дугаар сарын 18-ны өдрийн 49 дүгээр тогтоолыг мөрдөж ажиллах, түрээсийн орлогын 40 хувь болох 8,792.0 мянган төгрөгийг улсын төсөвт төвлөрүүлэх
4	Амралтын мөнгө, цалин давхардуулан олгосон	Захирал Б.Мөнхгэрэл Ерөнхий ня-бо З.Золжаргал	6,589.00	Хөдөлмөрийн хуулийн заалтыг мөрдөж ажиллах
	Дүн		325,504.9	(гурван зуун хорин таван сая таван зуун дөрвөн мянга есөн зуу) төгрөг